

Universitätsbibliothek Paderborn

Conciliorum Omnium Generalium Et Provincialium Collectio Regia

Ab anno CCCXLVII. ad annum CCCCI.

Parisiis, 1644

Epistola Eisdem Concilii Ad Gratianum Et Valentinianum & Theodosium
imperatores.

urn:nbn:de:hbz:466:1-15256

DAMASVS A QVILEIENSE. GRATIANVS
P.I. VALENTINIANVS THEODOSIVS IMP. 407

conuenire, debitam præsentes excepere sententiam, su-
per impietate conuicti. Valete. Incolumes vos & floren-
tissimos Deus noster tueatur omnipotens, dominifratres
dilectissimi. Amen.

EPISTOLA EIVSDEM CONCILII
AD GRATIANVM ET VALENTINIANVM
& Theodosium imperatores.

*Imperatoribus clementissimis, & Christianis beatissimisque prin-
cipibus, Gratiano, & Valentiniano & Theodosio
sanctum Concilium, quod conuenit Aquileiae.*

BENEDICTVS Deus pater Domini nostri Iesu Christi,
qui vobis Romanum imperium dedit, & benedictus
Dominus noster Iesu Christus vnigenitus Deifilius, qui
regnum vestrum sua pietate custodit, apud quem gratias
agimus vobis, clementissimi principes, quod & fidei ve-
stræ studium probauistis, qui ad remouendas alterca-
tiones congregare studiis fæderiale Concilium, & e-
piscopis dignatione vestra honorificentiam reseruastis, vt
nemo deesset volens, nemo cogeretur inuitus. Itaque iux-
ta mansuetudinis vestræ statuta conuenimus sine inuidia
multitudinis, & cum affectu disceptationis, nec vlli de
hæreticis episcopis sunt reperti, nisi Palladius ac Secundianus,
homines vetustæ perfidiae, propter quos congregari
Concilium postulabant, de extrema parte orbis Roma-
ni. Ecce nullus senectutis annis grauatus, cuius vel sola
esset reuerenda canicies, de ultimo finu maris Oceanive-
nire compulsus est, & Concilio nihil defuit. Nullus de-
bile corpus trahens, iejuniorum stipendiis oneratum, iti-
neris est coactus iniuria, fortitudinis amissæ damna de-
flare. Nullus postremo pauperiem, in fæderibus glo-
riosam, subsidio veniendi destitutus ingemuit. Vnde com-
pletum in te est, clementissime principum Gratiane,
quod scriptura diuina laudauit: *Beatus qui intelligit super Psalm. 40.
egenum & pauperem.* Quam graue autem, si propter duos
in fide cariosos, toto in orbe essent ecclesiæ fæderibus
destitutæ? Qui etiam si venire propter prolixitatem iti-
neris nequieverunt, tamen omnes prope ex omnibus pro-
vinciis occidentalibus, missis adfuere legatis, & alterca-

tionibus euidentibus id se tenere, quod nos afferimus, & in tractatu Nicæni congruere Concilii designarunt, * subiecta declarant. * Vbi ergo nunc pro vestro imperio conci-
nunt vota populorum, nec tamen arbitrio vestro asserto-
res fidei defuerunt. Nam licet euidentia essent præcepta
maiorum, a quibus impium est & sacrilegum deuiare, ta-
men disceptandi attulimus facultatem. Ac primum prin-
cipium ipsum obortæ discussimus quæstionis, atque Arii
epistolam putauimus esse recitandam, qui auctor Arianæ
hæresis inuenitur. Vnde & nomen hæresis accepit, ea vi-
delicet gratia, vt quoniam Arianos se negare consue-
rant, Arii blasphemiam aut incusando damnarent, aut
astruendo defenderent, aut certe non recusarent nomen
eius, cuius impietatem perfidiamque sequerentur. Sed
quia auctorem suum nec damnare poterant, nec proba-
re, cum ipsi ad disceptandum ante triduum prouocas-
sent, locoque & tempore constituto, non expectata con-
ventione prodissent: subito qui dixerant se, quia Christia-
ni essent, facile probaturos, quod nos libenter accepimus,
& optauimus vt probarent, refugere congressum illico,
& disceptionem declinare cœperunt. Multus tamen
nobis cum his sermo fuit: proposita diuinæ in mediocris-
pturæ: disceptandi, de primo ortu diei in horam septi-
mam, copia data, delata patientia. Atque utinam pauca
dixissent, vel certe quæ audiuimus, possemus abolere.
Nam cum sacrilegis vocibus (cum Arius solum Patrem
sempiternum, solum bonum, solum verum Deum, solum
immortalitatem habentem, solum sapientem, solum po-
tentem dicendo, expertem eorum filium, impia commo-
tione voluisse intelligi) isti Arium potius sequi, quam
sempiternum Deum Dei filium, & verum Deum, & bonum
Deum, & sapientem, & potentem, & immortalitatem habentem,
voluerunt fateri, multas horas frustra
consumpsimus. Crescebat illorum impietas, nec corri-
gi villo poterat modo. Denique cum viderent se Arii epi-
stolæ sacrilegiis perurperi, quam ideo subdidimus, vt eti-
am vestra clementia perhorresceret; resilientes de me-
dia epistola, electionem petierunt, vt eorum propositis
responderemus: quamquam non esset ordinis neque ra-
tionis, vt proposita interrumperemus; responsumque
esse

ANNO
CHRISTI
381. esset a nobis, vt damnarent Arii impietas, & de quibus
vellent, ordine locoque seruato, eorum intentionibus
responderemus; tamen acquieuimus præposteræ volun-
tati. Ibi tamen euangelii scripta falsantes, proposuerunt
nobis, dixisse Dominum: *Qui me misit, maior me est: cum*
aliter scriptum doceat series scripturarum. Redarguti de
falsitate sunt, vt faterentur, nec tamen ratione correæti.
Nam cum diceremus, secundum carnis susceptionem mi-
norem Patre suo Filium dici, secundum diuinitatem au-
tem pro testimonio scripturarum parem & æqualem pro-
bari, nec posse ibi esse discretionis gradus alicuius, aut
magnitudinis, vbi esset uitas potestatis: non solum illi
noluerunt emendare errorem, sed etiam vesaniam augere
cœperunt, vt & subiectum secundum diuinitatem dice-
rent, quasi uilla Dei secundum diuinitatem possit esse
subiectio. Mortem denique non ad sacramentum nostræ
salutis, sed ad infirmitatem quamdam diuinitatis referunt.
Horremus, clementissimi principes, tam dira sacrilegia,
prauosque doctores; & ne ulterius populos deciperent,
quos tenebant, sacerdotio putauimus abdicandos. Ne-
que enim dignum est, vt sacerdotium eius sibi vendicent,
quem negauerunt. Vestram fidem, vestram gloriam de-
precamur, vt reuerentiam imperii vestri deferatis auæto-
ri, censeatisque impietatis assertores & adulteros verita-
tis, datis apicibus clementiæ vestrae ad iudicia competen-
tia, ab ecclesiæ arcendos esse liminibus, vt in damnato-
rum locum per nostræ paruitatis legatos, sancti subrogen-
tur sacerdotes. At talum quoque presbyterum de præua-
ratione confessum, & palam sacrilegiis inhærentem, par-
sententia comprehendat. Nam quid de magistro eius Va-
lente dicemus? qui cum esset proximus, declinauit sacer-
dotiale Concilium, ne euersæ patriæ, perditorumque ci-
uium causas præstare sacerdotibus cogeretur, qui etiam
* torquem (vt asseritur) & * brachialis impietate Gothi-
ca profanatus, more indutus gentilium, ausus sit in pro-
spectum exercitus prodire Romani. Quod sine dubio
non solum in sacerdote sacrilegium, sed etiam in quo-
cumque Christiano abhorret more Romano; nisi forte
sic solent idololatræ sacerdotes prodire Gothorum. Mo-
ueat pietatem vestram sacerdotiale nomen, quod ille sa-

Ioh. 14.
Hæretici
scripturas
deprauant.

Ariani epi-
scopi inter-
dum tor-
quati ince-
dere sole-
bant.

Concil. Tom. 3.

Fff

crilegus infamat, qui etiam suorum vocibus, quia tamen superesse possunt, nefandi sceleris arguitur. Certe dominum repeat suam, non contaminet florentissimas Italiam ciuitates, qui nunc illicitis ordinationibus consimiles sibi sociat sibi, & seminarium querit suae impietatis arque perfidiæ per quosque * perditos, *delinqueret*, qui episcopatus nec cœpit. Nam primo Petauione superpositus fuerat sancto viro Marco admirabilis memoriae * facerdos: & postea quam deformiter deiectus a plebe est, qui Petauione esse non potuit, is nunc Mediolani post euerctionem patriæ (ne dicamus proditionem) * inquietauit. Super omnibus igitur pietas vestra consolari dignetur, ne obtemperantes vestræ tranquillitatis statutis, frustra conuenisse videamur. Non solum enim cauendum est, ne nostra, sed etiam vestra decreta infamentur. Petimus igitur, vt legatos Concilii sanctorum viros & que clementia vestra audire dignetur, & cum effectu eorum quæ possumus, maturius redire præcipiat, vt mercedem accipiat a Domino Deo Christo, cuius ecclesiæ ab omni sacrilegorum labore purgastis. Photinianos quoque, quos & superiori lege censuistis, nullos facere debere conuentus, & eam quæ de Concilio sacerdotum data est congregando, remouistis, petimus, vt quoniam in Sirmensi oppido adhuc conuentus tentare cognouiimus, clementia vestra interdicta etiam nunc coitione, reuerentiam primum ecclesiæ catholicæ, deinde etiam legibus vestris deferre iubatis, vt & vos, Deo præstante, triumphetis, qui paci ecclesiarum quietique consulitis.

N O T A E.

Aquileia
qualis &
vnde dicta. ^a *Aquileiense.*] Aquileia vrbis Carnorum metropolis, ab aquis legendis sic dicta, habet iuxta præterfluentem Timavum. A Plinio in decima Italiae regione ponitur, fuitque olim colonia Romanorum potens admodum; sed ab Hunnis Atila ductu euersa & diruta est, ita vt vix villa extens vrbis indicia: nec quidquam insigne habet, præter verustum & ruinosum templum, cuius canonici ob celi intemperiem & adiacentes paludes vix trimestri spatio, suo illic officio fungi possunt. Vide Plin. lib. 3. cap. 18. Strabonem lib. 5.

Causa Con.
cili. ^b *Concilium.*] Cum Ariani patrocinio Iustinæ Augustæ Valentiani senioris imperatoris coniugis freti, Ambrosio reluctante, fructu Arianum quemdam in sedem Sirmensem intrudere conati fuissent, Gratianum imperatorem anno Christi 380. Sirmium venientem,